

漢書

漢書門	一	二	三	四	五	六
類號函架冊	八	四	二	一	六	二

內閣文庫	漢書	類號冊架
三	古	史
函	七	古

內閣文庫	
番號	漢 12648
冊數	6 (5)
函號	301 55

五



綴じ部(喉部分)の文字等が開きが不鮮明な場所あり

瀛經堂詳校醫宗必讀卷之八

雲間李中梓士材父著

門人查立度公超父叅
姪孫李廷芳衛伯父訂

頭痛

經曰風氣循風府而上則為腦風新沐中風則為首風首風之
 狀頭面多汗惡風當先風一日則病甚頭痛不可以出內至其
 風日則病少愈風府者督脈穴入項髮際一寸太陽之脈連于
 沐則溼開風客乃為首風風傷衛則汗出而惡風風為陽邪故
 先風一日則病發先甚者亦先衰故至其風日則病少愈也
 頭痛數歲不已當犯大寒內至骨髓髓以腦為主腦逆故頭痛
 齒亦痛名曰厥逆髓以腦為主者諸髓皆屬于腦也大寒入髓
 則腦痛其邪深故數歲不已髓為骨之充齒
 者骨之餘也故頭痛齒亦痛是邪逆于上故名厥逆頭痛巔疾下虛上實過在足少陰巨
 陽頭痛巨陽病也太陽之脈交巔上其支別者從巔至耳上角
 其直行者從巔入絡腦下虛少陰腎虛也上實巨陽勝腕實

醫宗必讀

卷八 頭痛

一

也。腎虛不能攝巨陽之氣，頭痛耳鳴，九竅不利，腸胃之所生者，
故虛邪上行而為頭痛也。九竅不利者，氣虛不能達也。腸胃
者，七衝門之道路，氣之所以往來者也。氣虛則不能上升于巔
頂，故頭痛甚則腦盡，手足寒至節，死不治。三陽受邪，伏而不
故，手足之寒，上至于節也。

愚按經之論頭痛風也，寒也，虛也，運氣論頭痛十條，傷寒論太
陽頭痛一條，皆六氣相侵與真氣相薄，經氣逆上，于于清道不
得運行，壅遏而痛也。頭為天象，六府清陽之氣，五藏精華之血，
皆會于此，故天氣六淫之邪，人氣五賊之變，皆能相害，或蔽覆
其清明，或痰塞其經絡，與氣相薄鬱而成熱，脈滿而痛，若邪氣
稽留，脈滿而氣血亂，則痛乃甚。此實痛也。寒溼所侵，真氣虛弱，
雖不相薄，成熱然邪客于脈外，則血泣，脈寒，卷縮緊急，外引小
絡而痛，得溫則痛止。此虛痛也。因風痛者，抽掣惡風，因熱痛者，

煩心惡熱，因濕痛者，頭重而天陰轉甚，因痰痛者，昏重而欲吐，
不休，因寒痛者，絀急而惡寒，戰慄氣虛痛者，惡勞動其脈大，
虛痛者，善驚惕，其脈芤，頭痛自有多因，而古方每用風藥，何也？
高巔之上，惟風可到，味之薄者，陰中之陽，自地升天者也。在風
寒濕者，固為正用，即虛與熱者，亦假引經，須知新而暴者，但各
頭痛深而久者，名為頭風，頭風必害眼者，經所謂東風生乎春，
病在肝，目者肝之竅，肝風動則邪害空竅也。察內外之因，分虛
寔之證，胸中洞然，則手到病去矣。

風溼挾熱，頭痛上壅，損目及腦痛偏正，頭痛年深不愈，並以清
之痛甚，加細辛，痰厥頭痛，太陰脈緩，清空膏去羌活防
惡熱而渴，加白芷，腎厥頭痛，即經所謂下虛上實，其脈舉之則
弦，按之則堅，玉真丸，傷食頭痛，胸滿噯酸，噫敗卵臭，惡食，雖發



熱而身不痛。香砂枳木丸。傷酒頭痛。葛花解醒湯。怒氣膈肝。沉香降氣散。

頭痛九竅不利。屬氣虛。補中益氣湯加芍藥川芎細辛。眉尖後近髮際曰魚尾

魚尾上攻頭痛屬血虛。四物湯加薄荷。動作頭痛胃熱也。酒炒大黃五錢濃茶煎服。

心煩頭痛。清空膏加麥門冬丹參。上熱頭痛目赤下寒足斷為甚大便微

秘。既濟解毒湯。

偏頭風。半邊蓮頭痛。左為血虛右屬氣熱。草麻子五錢去殼大棗十

五枚去核共搗研如泥塗綿紙上用筋一隻捲之去筋納鼻中

良久取下清涕即止。生蘿蔔汁仰臥注鼻中左痛注右右痛

注左。芎犀丸極效。

雷頭風。頭痛而起核塊。震為雷震仰孟用青荷葉者。象震也。

與色也。清震湯。有因痰火耳如雷鳴。熟半夏一兩大黃煨二兩五錢薄荷葉二錢甘草三錢水泛棗豆大臨。

六劑參附亦有生者。

大頭痛。頭大如斗此天行時疫也。感天地非時之氣甚而潰裂出膿此邪客

上焦。普濟消毒飲子。輕者各發頭腫在兩耳前後。甘桔湯加薄荷荆芥鼠粘子連翹黃芩。

肩稜骨痛外挾風寒內成鬱熱上攻頭腦下注目睛眉骨作痛

有屬心肝壅熱者有風痰上攻者有濕氣內鬱者。選奇湯神效。戴元

禮云眼眶痛有二證俱屬肝經肝虛見光則痛。生熟地黃丸。肝經停

飲痛不可開晝靜夜劇。導痰湯。

脈候寸口緊急或短或弦或浮皆頭痛。浮滑為風痰易治。

短澹為虛難治。浮弦為風。浮洪為火。細或緩為溼。

少宰蔣恬菴頭痛如破昏重不寧風藥血藥痰藥久治無功余

曰尺微寸滑腎虛水泛為痰也地黃四錢山藥丹皮澤瀉各一

醫宗必讀

卷八 頭痛

三

錢茯苓三錢沉香八分日服四貼兩日輒減六七更以七味丸
人參湯送五日其痛若失

清空膏 丹溪曰東垣清空膏諸般頭痛皆治惟血虛頭痛從魚
尾相連者勿用太陽厥陰巔頂痛宜來復丹等亦非此
藥所能治

羌活 防風各一 柴胡 七錢 川芎 五錢 甘草 兩半

黃連 炒一兩 黃芩 三兩一半生用一半酒炒

為細末每服三錢茶調如膏抹在口中少用白湯臨卧送下

白虎湯 見中暑

安神丸 治鬱熱頭痛

黃耆 羌活 黃檗 酒炒各一兩 防風 二錢 知母 酒炒

生地黃 酒潤 柴胡 升麻 各五分 炙甘草 三錢 生甘草 三錢

每服五錢水二鍾煎至鍾半加葛根子五分川芎三分煎至

透頂散 治新久偏正頭風及夾腦風

細辛 表白者三莖 瓜蒂 七個 丁香 三粒 糯米 七粒 冰片

麝香 各一分半

將冰麝研細將前味研勻另自治為末後入乳鉢內與水麝
和勻磁瓶密固用一大豆許隨患人左右搐之久出涎則安

大川芎丸 治風寒痰飲偏正頭疼

川芎 一兩 天麻 四兩 為末密丸每丸一錢 每服一丸食後茶酒下

玉壺丸 治風痰吐逆頭痛目眩胸滿吐涎

南星 生 半夏 生各一兩 天麻 半兩 白麩 三兩

為末水丸桐子大每服三十九丸用水一碗先煎沸下藥者襍

藥浮即熟漉起生薑湯下

玉真丸 腎虛逆上頭痛謂之腎厥

硫黃 二兩

石膏 煨赤

半夏 湯洗

硝石 研各

為末生薑汁丸桐子大除乾每服二十九薑湯下次開元百壯寒甚者去石膏用鍾乳粉

來復丹

見中葛花解醒湯見泄瀉

沉香降氣散 治氣壅痞塞頭痛

沉香 二錢

砂仁 七錢

甘草 炙五分

香附 鹽水炒去毛六兩二錢半

為極細末每服二錢淡薑湯下

蘇子降氣湯 虛陽上攻氣不升降痰涎壅盛

蘇子 炒研

半夏 湯泡各

前胡 去蘆

甘草 炙

厚朴 薑製

陳皮 去白各 當歸 去蘆一錢半 沉香 七分

水二鍾生薑三片煎一鍾服虛寒者加桂五分黃者一錢

既齊解毒湯 治上熱頭目赤腫而痛煩悶不得

大黃 勿用

黃連 湯洗

黃芩 湯洗

甘草 炙

桔梗 錢

柴胡

升麻

連翹

當歸身 各一錢

水二鍾煎一鍾食後服

神芎散 治風熱上攻頭痛鼻塞

青黛 二錢

五分

蔓荊子

川芎 各一錢

鬱金

芒硝 各一錢

石膏 一錢

細辛根 一錢

薄荷葉 二錢

紅豆 粒為細末搗鼻

茶調散 治風熱上攻頭目昏痛

黃芩 二兩

酒浸炒

川芎 一兩

細茶 三錢

白芷 五錢 薄荷 三錢

荊芥穗 四錢

為細末每服三錢茶送下

巔頂及腦痛加細辛藁本蔓荊子各三錢

菊花散 治風熱頭痛

甘菊花 去蒂

旋覆花 去梗

防風

枳殼 去瓤炒羌活

蔓荊子

石膏

甘草

各一錢五分

水二鍾薑五片煎一鍾服。

芳犀丸 治偏正頭風鼻流臭涕服他藥不效者服此決效。

川芎

殊砂 水飛

石膏 研

片腦 各四兩 人參

茯苓

甘草 炙

細辛 各二兩

犀角

梔子 各一兩

麥門冬

去心三兩阿膠兩半

為末蜜丸彈子大每服一九 食後茶送

清震湯

治頭面疔瘡或聞雷聲

青荷葉

一個全用升麻錢四

蒼朮 四錢 水二鍾煎八分食後服

黑錫丹

治真頭痛

沉香

附子 製

葫蘆巴

肉桂 各五錢 茴香

破故紙

肉豆蔻

金鈴子

木香 各一兩 黑錫

硫黃

與黑錫結砂子各一兩

為末研勻酒煮麩糊丸桐子大陰乾

普濟消毒飲子

治大頭瘟 硬刺之

黃芩

黃連 各八分

人參 五分

橘紅

玄參

甘草 生各四分

馬尾勃

牛蒡子

板藍根

連翹

白殭蚕 炒

升麻 各二分

柴胡

桔梗 各五分 薄荷 六分

水二鍾煎一鍾服便秘加酒煨大黃一錢

選奇湯 治肩稜骨痛

防風

羌活 各三錢

黃芩 酒炒一錢

甘草 三錢夏生冬炙

每服三錢水煎熱服

生熟地黃丸

治肝虛頭痛目暗

生地黃

熟地黃 各一斤半

甘菊 去蒂一斤

石斛

枳殼

防風

牛膝 各六兩

羌活

杏仁 各四兩

為末蜜丸桐子大每服三錢以黑豆三升炒令烟盡滓好酒

六升每用半鍾食前送下

導痰湯 治痰飲頭痛

半夏

熟四兩

天南星

炮去皮

赤茯苓

去皮枳實炒

橘紅

各一兩

甘草

炙五錢

每服四錢水一鍾薑十片煎八分食後服

心腹諸痛

心痛 胃痛 腹痛 少腹痛 脇痛

胸痛

經曰厥心痛與背相控善瘕如從後觸其心僂僂者腎心痛也

腹脹胸滿心痛尤甚胃心痛也如以錐針刺其心心痛甚者脾

心痛也色蒼蒼如死狀終日不得太息肝心痛也卧若徒居心

痛問動作痛益甚色不變肺心痛也○陽明有餘上歸于心

則病心痛心痛引少腹滿上下無定處溲便難者取足厥陰心

痛腹脹奮然大便不利取足太陰心痛短氣不足以息取手太

陰心痛引背不得息反足少陰兩章論心痛九十種皆他藏

愚按內經之論心痛未有不兼五藏為病者獨詳於心而略于

胸腹舉一以例其餘也心為君主義不受邪受邪則本經自病

各真心痛必死不治然經有云邪在心則病心痛喜悲時眩仆

此言胞絡受邪在府不在藏也又云手少陰之脉動則病隘乾

心痛渴而欲飲此言別絡受邪在絡不在經也其絡與府之受

邪皆因怵惕思慮傷神涸血是以受如持虛而方論復分九種

曰飲曰食曰熱曰冷曰氣曰血曰悸曰蠱曰疰苟不能徧識病

因將何以為治耶胃屬濕土列處中焦為水穀之海五藏六府

十二經脉皆受氣于此壯者邪不能干弱者着而為病偏熱偏

寒水停食積皆與真氣相搏而痛肝木相乘為賊邪腎寒厥逆

為微邪挾他藏而見證當與心痛相同但或滿或脹或嘔吐或

不能食或吞酸或大便難或瀉利面浮而黃本病與客邪必參

雜而見也。胸痛即膈痛，其與心痛別者，心痛在歧骨陷處，胸痛則橫滿胸間也。其與胃脘痛別者，胃脘在心之下，胸痛在心之上也。經曰：南風生於夏，病在心，俞在胸脇，此以胸屬心也。肝虛則胸痛引背脇，肝實則胸痛不得轉側。此又以胸屬肝也。夫胸中實，肺家之分野，其言心者，以心之脈從心系却上肺也。其言肝者，以肝之脈貫膈上注肺也。脇痛嘗從肝治，不知肝固內舍於脇，何以異于心肺內舍膈脇哉？若謂肝經所過而痛，何以異于足少陽？手心主所過而痛者哉？若謂經脈挾邪而痛，何以異于經筋所過而痛者哉？故非審色按脈，熟察各經氣變，卒不能萬舉萬當也。且左右肺肝氣血陰陽，亦有不可盡拘，而臨證者，可無詳察耶？復痛分為三部，膈以上痛者為太陰脾，當膈而痛者為少陰腎，少腹痛者為厥陰肝，及衝任大小腸每部各有五賊之變，七情之發，六氣之害，五運之邪，至紛至博，苟能辨氣血虛寒內傷外感而為之調劑，無不切中病情矣。

心痛有停飲則惡心煩悶，時吐黃水，甚則搖之作水聲。小胃丹或胃苓湯食積則飽悶噫氣如敗卵，得食輒甚。香砂枳朮丸火痛忽增忽減口渴便秘。湯中外受寒內食冷虛寒者。歸脾湯加薑桂菖蒲氣壅攻刺而痛。沉香降死血脈必澁飲下作呃手拈散甚者。心痛而煩發熱動悸此為虛傷散炒香蟲痛面上白癩唇紅能食或食後即痛或痛後即能食，或口中沫出，上半月蟲頭向上，易治；下半月虫頭向下，難治。先以鷄肉汁或蜜糖飲之，引蟲頭向上，隨照剪紅虻蟲嚙心痛，有休止或吐虻蟲，虻動則惡心嘔吐。烏梅丸鬼疰心痛昏憤妄言。蘇合香丸熱厥心痛子散寒厥心痛。木附子胃脘痛治法與心痛相倣，但有食積按之滿痛者，下之。大柴胡湯

寒者湯理中

胸痛肝虛者痛引背脇補肝肝實者不得轉側喜太息柴胡疏

有痰二陳湯加薑汁

脇痛左痛多留血代抵右痛多痰氣痰二陳湯左為肝邪散

右為肝移邪于肺推氣挾寒理中湯死血日輕夜重或午後熱

脈瀦或朮桃仁承氣湯痰飲導痰湯加食積有一條扛起者是

也枳朮丸加吳茱萸肝火盛龍薈虛冷理中湯送肝脈軟補肝

驚傷脇痛桂枝散

腹痛芍藥甘草稼穡作甘甘者已也曲直作酸酸者甲也甲已

化土此仲景妙方也脈緩傷水加桂枝生薑脈洪傷金加黃芩

大棗脈瀦傷血加當歸脈弦傷氣加芍藥脈遲傷火加乾薑綿

綿痛而無曾成欲得執手安及喜熱飲食其脈遲者寒也香砂

時止熱手按而不散脈大而數者熱也黃連解毒湯暑痛香十味

飲溼痛小便不利大便澹脈必細緩胃苓痰痛或眩暈或吐冷

涎或下白積或小便利或得辛辣熱湯則暫止脈必滑輕者

湯加枳殼薑汁重食積痛甚大便後減其脈弦或沉滑平胃散

者用蒙石滾痰丸酒積痛葛花解醒湯加氣滯必腹脹脈沉香

山查麥芽砂仁木香甚者加大黃三積散木茵陳虛者四物湯料加

散順氣死血作痛痛有定在而不移抵痛或朮大黃蜜丸服實者

桃仁承氣湯或用丹皮香附穿山甲降香紅豆痛心腹懊懣往

來上下痛有休止或有塊耕起腹熱善渴面色乍青乍白乍赤

吐清水者虫也或雞汁吞萬應丸下之乾霍亂一各攪腸痧疴

痛內癰皆腹痛各詳具本門

愚再接近世治痛有以諸痛屬實痛無補法者有以通則不痛

痛則不通者有以痛隨利減者互相傳授以爲不易之法不知形實病實便閉不通者乃爲相宜或形虛脈弱食少便泄者豈容混治經曰實實虛虛損不足而益有餘如此死者醫殺之耳須知痛而脹閉者多實不脹不閉者多虛拒按者爲實可按者爲虛喜寒者多實愛熱者多虛飽則甚者多實飢則甚者多虛脈實氣粗者多實脈虛氣少者多虛新病年壯者多實久痛年衰者多虛補而不效者多實攻而愈劇者多虛痛在經者脈多弦大痛在藏者脈多沉微必以望聞問切四者詳辨則虛實灼然實者固可通利虛者安可通利乎故表虛而痛者陽不足也非溫經不可裏虛而痛者陰不足也非養營不可上虛而痛者以脾傷也非補中不可下虛而痛者脾腎敗也非溫補命門不可

脈下沉痛無補法則散入脈下則若矣

脈候弦爲痛爲食 瀦爲痛 短數爲痛 大爲病久 痛甚者脈必伏 細小沉遲者生 實大浮長滑數者死 大痛而喘人中黑者死 寸口脈弦脇下拘急而痛其人惡寒

醫案

給諫章魯齋暑月自京口歸邑心中大痛吳門醫者令服香薷飲痛勢轉增余曰寸口弦急痰食交結也服香砂二陳湯兩貼痛雖畧減因苦煩悶更以胃苓湯加半夏二錢大黃三錢下黑屎數枚痛減三四仍以前湯用大黃四錢下膠痰十數碗始安孝廉李長蘅吳門舟次忽發胃脘痛用順氣化食之劑弗效余診之曰脈沉而遲客寒犯胃也以參蘇飲加草豆蔻二錢煎就加生薑自然汁半碗一服而減二服而瘥

縣令章生公在南都應試時八月初五心口痛甚至不能飲食

余診之寸口濇而軟與大劑歸脾湯加入參三錢官桂一錢生
公云痛而驟補實所不敢得無與場期碍乎余曰第能信而服
之可以無碍恐反投破氣之藥其礙也必矣遂服之不踰時而
痛減更進一劑連飲獨參湯兩日而愈場事獲竣

太史焦漪園當臍切痛作氣食療之無功余診之曰當臍者少
陰腎之部位也况脉沉而弱與氣食有何干涉非徒無益反害
真元以八味丸料煎飲不十日而健復如常

京卿胡慕東名忻少腹作痛連于兩脇服疎肝之劑日甚一日余
診之左關尺俱沉遲治以理中湯加吳茱萸一劑知十劑起矣
加味七氣湯 治七情鬱結心腹作痛

蓬朮

青皮

香附醋炒各一錢半

立胡索一錢薑黃一錢

草豆蔻八分

三棱炮七分

桂心五分

立胡索一錢薑黃一錢

手拈散

治血滯心腹作痛

立胡索醋炙

五靈脂醋炒

草果

沒藥各等分

為細末每服三錢熱酒調下

桃仁承氣湯見傷寒

小胃丹見腫脹

胃苓湯

代抵當湯見泄瀉

行瘀

血如血老而甚者去歸地加蓬朮

生地黄

當歸尾

穿山甲各三錢

降香一錢五分

肉桂去皮一錢

桃仁去皮尖炒二錢

大黃去皮三錢

芒硝八分

水二鍾煎一鍾

血在上食後服血在下食前服

清中湯 治火痛

黃連

梔子炒各二錢

陳皮

茯苓各一錢半熟半夏一錢

草豆蔻

甘草炙各七分

水二鍾薑三片煎八分食前服

醫宗必讀

卷八 心腹痛

七

草豆蔻丸 治客寒犯胃心腹作痛熱者亦可服

草豆乾一錢 吳茱萸

益智仁

僵蠶炒各八分 當歸身

青皮各六分 神麩

薑黃各四分

生甘草三分 桃仁七個 去皮

熟半夏一錢 澤瀉一錢

麥芽炒一錢

炙甘草六分 柴胡四分

人參 黃耆

陳皮各八分

為末水丸每服三錢食遠白湯下

大柴胡湯見傷寒

加味歸脾湯 治心虛悸動而痛

人參 黃耆炙 白木炒

當歸 茯苓

酸棗仁各一錢半 遠志肉八分 木香

甘草炙各五分 龍眼肉二錢

大棗二枚 煨薑三片 菖蒲八分

桂心五分

水二鍾煎一鍾後服亦有加柴

砂香散 治心氣不足恍惚虛煩盜汗不寐跳動不安

山藥薑汁炒

茯苓去皮

茯神去木

遠志去心炒 黃耆各一兩

人參

桔梗

甘草炙各五分

木香煨二分 辰砂三錢 另砂

麝香一錢 另研

為細末每服三錢或湯或酒調下

金鈴子散 治熱厥心痛或作或止

金鈴子

玄胡索各二兩

為末每服三錢酒調下痛止與香砂枳木丸

木附湯 治寒厥心痛脈微氣弱

附子炮一兩

白木炒四兩

甘草炙一兩

為末每服三錢用水一鍾半薑五片棗一枚煎一鍾食前服

蕪荑散 虫咬心痛貫心則殺人宜亟服之

乾漆炒至烟盡一兩 蕪荑五分

雷丸五分 為末每服三錢溫水調服

醫宗必讀

卷八 心腹痛

七

烏梅丸見傷寒 剪紅丸見反胃 蘇合丸見中風
補肝湯

山茱萸

甘草

桂心各三兩

桃仁

細辛

栝子仁

茯苓

防風各一兩

大棗二十枚

水丸碗煎四碗分三服

柴胡疎肝散

柴胡

陳皮醋炒各二錢

川芎

枳殼炒

芍藥各一錢半

甘艸炙五分

香附一錢五分

水二鍾煎八分食前服

推氣散 治右脇疼痛脹滿不食

片薑黃

枳殼炒

桂心忌火各五錢

甘草炙二錢

為細末每服三錢薑湯調下

枳實散 治左脇刺痛

枳實

川芎各五錢

甘草炙二錢

為末每服三錢薑湯下

導痰湯 治痰飲痞塞為痛

熟半夏四兩

天南星炮去皮

枳實炒去瓢

赤茯苓去皮 橘紅各一兩

甘草炙五錢

每服四錢水一碗薑十片煎八分食遠服

龍薈丸

當歸

龍胆草

梔子

黃連

黃栢

黃芩各一兩

大黃

蘆薈

青黛各五錢 木香二錢五分

麝香五分

細末蜜丸如棗豆大每服三錢生薑湯下

黑錫丹見頭痛

葛花解醒湯見泄瀉

桂枝散 驚氣傷肝脇中疼痛

枳殼二兩

桂枝三兩

細末每服二錢薑煮湯調下

芍藥甘草湯一名芍湯

治腹痛如神

醫宗必讀

心腹痛

三

芍藥 四錢

甘草 二錢

水二杯煎一杯服酸以收之甘以緩之

霍香正氣散

方見中風十味香薷飲見類

大金花丸

加梔子去大黃各黃連解毒湯又名梔子金花丸

黃連

黃檗

黃芩

大黃各等分

為末水丸每服白湯下二錢

木香順氣散

治氣滯腹痛

木香

香附

檳榔

青皮酸炒 陳皮

厚朴薑製

蒼朮泔浸炒

枳殼麩炒

砂仁各一錢 甘草五分

水二鍾薑三片煎一杯食前服

萬應丸

取虫積如神

黑丑取頭末

大黃

檳榔各八兩

雷丸醋煮 木香各一兩

將黑丑大黃檳榔同為末大皂角苦練皮各四兩煎湯為

丸桑豆大雷丸木香沉香為衣每服三錢五更用砂糖水下

腰痛

內經云太陽所至為腰痛

足太陽膀胱之脈所過還出別下

反挾脊痛腰似折脚不可以曲是經虛則邪客之痛病生矣邪者風熱溼燥寒皆能為病大抵寒溼多而風熱少也

云腰痛者腎之府轉搖不能腎將憊矣房室勞傷腎虛腰痛陽氣虛弱故不能運動憊敗也

愚按內經言太陽腰痛者外感六氣也言腎經腰痛者內傷房

慾也假令作強伎巧之官謹其閉蓄封藏之本則州都之地真

氣布護雖六氣苛毒弗之能害惟以欲竭其精以耗散其真則

腎藏虛傷膀胱之府安能獨足于是六氣乘虛侵犯太陽故分

別施治有寒溼有風熱有挫因有瘀血有滯氣有痰積皆標也

腎虛其本也標急則從標本重則從本標本不失病無遁狀矣

牛膝酒

牛膝

薏苡仁

為粗末絹袋盛大好酒二斗浸二七日每服一杯日三四杯

腎着湯治腎虛傷濕腰中如帶五千錢腰冷如坐水中不渴小便便利此證各為腎着

乾薑炒

茯苓

甘草炙

白木各二兩

每服四錢水一鍾煎七分空心温服

滲淫湯治寒溼所傷身體重着如坐水中小便赤澀大便溇泄

蒼朮炒

白朮炒

甘草炙各一兩

茯苓去皮 乾薑炮各一兩

橘紅

丁香各二錢半

每服四錢水一鍾煎七分服

摩腰膏 治老人腰痛女人白帶

附子尖

烏頭尖

乾薑各二錢半

麝香半

為細末蜜丸龍眼大每用一九生薑汁化開如厚粥火上烘

熱放掌上摩腰中候藥盡即烘綿衣裹緊腰熱如火用一知

甘豆湯 治風熱腰痛二便不通

黑豆二合

甘草二錢

水二鍾生薑七片煎服間服散

敗毒散 風熱證通用

羌活

獨活

前胡

柴胡

人參

茯苓

甘草炒

枳殼炒

桔梗

芍藥各等分

每服三錢生薑五片煎服

乳香趁痛散 治打墜腰痛加全蝎更妙脚氣通用

虎脛骨酒炙

敗龜酒炙各二兩

麒麟竭

赤芍藥

當歸

自然銅煨醋研

白附子炮

沒藥

防風

辣桂

醫宗必讀

卷八 腰痛

七

骨碎補炒

蒼耳子微炒

白芷各三兩

牛膝

天麻

檳榔

五加皮

羌活各十兩

為末每服一錢酒調

黑神散

黑豆炒去皮

熟地黄

酒浸當歸酒潤

肉桂

乾薑炒黑

甘草炙

芍藥

蒲黃各四兩

為細末每服二錢童便半鍾酒少許煎服

復元通氣散

治一切氣滯及閃挫腰痛

大茴香炒

穿山甲炒各二兩

玄胡索

白牽牛炒橘紅

甘草炙各一兩

木香忌火一兩五錢

為細末每服二錢熱酒調下

十全大補湯

即十補湯見虛勞

青娥丸

治腎虛腰痛

補骨脂四兩

杜仲薑汁炒四兩

橘核炒去皮

研細末每服二錢酒調下

調榮活絡飲

治尖力腰閃或跌撲瘀血

大黃

當歸

牛膝酒洗

杏仁去皮炒各二錢赤芍藥

紅花

生地酒洗

羌活各一錢

川芎一錢五分桂枝三分

水鍾半煎八分食前服

人參順氣散

治氣滯腰痛

白朮

白芷

陳皮

桔梗

枳殼

人參

甘草

川芎

麻黃去節

烏藥

白薑各一錢

水二鍾煎一鍾服

烏藥順氣散

白朮

茯苓

青皮

白芷

陳皮

烏藥

人參各一兩

甘草五錢

為末每服三錢水一鍾煎七分服

二陳湯見中風

無比山藥丸 治腎虛腰痛

赤石脂煨

茯苓去皮

山茱萸去核 熟地黄 酒煮 巴戟去心

牛膝酒浸

澤瀉各二兩

杜仲薑汁炒 鬼絲子 酒浸 山藥各三兩

北五味六兩

肉苁蓉酒浸四兩

為末蜜丸桐子大每服三錢酒下

六味丸 八味丸見虛勞

補陰丸

龜板酒炙

黃蘗酒炒

知母

側柏葉

枸杞子

五味子

杜仲薑汁炒

砂仁各五錢 甘草二兩

疝氣

內經曰任脉為病男子內結七疝女子帶下瘕聚任脉起于中

毛際循腹裏上關元總諸陰之會故諸種疝證無不由任脉以上

為之原諸經為之派耳七疝詳列于後瘕聚者女子之疝也○

從少腹上衝心而痛不得前後為衝疝便能上衝心又不得大小

○肝所生病為狐疝目則入腹立則出腹入囊似狐之晝出穴

證非肝木受邪即肝木自病此言狐疝之虛也○三陽

為病發寒熱其傳為癰疝三陽者手太陽心陽足太陽膀胱足

疝為夫婦且支脉出氣街繞少陽也○黃脉之至

也大而虛積氣在腹中有厥氣名曰厥疝脾故大而虛也厥者

逆也言厥逆上升也肝部應春於象○脾傳之腎病名疝瘕少

腹寬熱而痛出白脾受所不勝之邪傳于所勝則脾失運化之

即方書所云狀如黃瓜者是也○有氣不得申曰宛氣聚而痛白

精自出經曰寸口脉沉而弱疝瘕少腹痛又曰脉急者疝瘕少

疝宗公讀

疝

痛。○足陽明之筋病癢疝腹筋急。又曰肝脉滑甚為癢疝。既曰
明病癢疝。又曰肝滑為癢疝。則知此證肝木乘胃也。癢者裹大膿血甚。則下膿血也。○脾脉微大為疝氣。
滑甚為癢疝。又曰腎脉滑甚為癢疝。內裹膿血。外小便閉。名曰
癢疝。按內經所謂任脉為病。內結七疝。合言疝證之原也。所謂衝
疝。狐疝。癰疝。厥疝。瘦疝。癢疝。癢疝。分言七疝之狀也。巢氏不
能詳考內經原具七疝。乃強分厥癢寒氣盤肘。狼自附於內經
之七疝。不亦妄乎。宜張子和非之曰。此俗工所立謬名。似矣。及
其立論。但辨陰器與小腸膀胱腎了。不相干。專屬肝經受病。竟
不知任脉為七疝之原。亦不知經文自有七疝。散見于各論之
中。又添寒水筋血氣狐癩之七種。此其疝證與巢氏未有以異
也。若言疝為筋病。皆挾肝邪。則可。若言止在厥陰一經。不亦與
內經相戾耶。且疝病在下者。以而弱之。不可回其生乎。學者但當以
內經為正。不當惑于多岐。丹溪以為疝證皆始于溼熱。蓋大勞
則火起于筋。醉飽則火起于胃。房勞則火起于腎。大怒則火起
于肝。火鬱之久。溼氣便盛。濁液凝聚。并入血隊。流于厥陰。肝性
急速。為寒所束。宜其痛甚。此亦補前人未備之一端。不可守為
揆度也。故夫治法。寒則多痛熱則多縱。溼則腫墜。虛者亦腫墜。
在血分者不移。在氣分者多動。蓋畢九有兩。左九屬水。水生肝
木。木生心火。三部皆司血統。納左之血者。肝也。右九屬火。火生
脾土。土生肺金。三部皆司氣統。納右之氣者。肺也。是故諸寒收
引。則血泣而歸肝。下注于左九。諸氣憤鬱。則濕聚而歸肺。下注
于右九。且畢九所絡之筋。非盡由厥陰。而太陰陽明之筋亦入
絡也。故患左九者。痛多腫少。患右九者。痛少腫多。此確然者耳。

衝疝氣上冲心二便不通巢氏狼治法木香散

狐疝卧則入腹立則出腹有狐疝子仲景治狐疝時上時下者

散或用牡蠣六兩鹽泥面濟炭三觔煨至火盡取二兩乾薑一

兩焙為細末二味和勻水調得所塗痛處小便大利即愈

癰疝陰囊腫大如升如斗甚而如栲栳大者三層茴香丸荔枝散宜胞丸地黃膏

子木腎不痛南星半夏黃柏蒼朮枳實山查白芷神雄楮葉不

者晒乾為末酒糊丸塩湯下用馬鞭草搗塗效張子和亦

厥疝脾受肝邪氣逆有積巢氏亦有厥疝肝邪甚者湯川苦楝

散木香

癰疝脾傳腎少腹熱痛出白即巢氏之癰疝也丹溪所謂內癰溼

熱者與此疝相似烏頭梔子湯或加丹溪云陽明受濕熱傳入

癰疝足陽明筋痛內有膿血子即巢氏之癰疝也宜用甘草茯苓白

木枳殼山查

癰疝疝內有膿血小便不通加味通心散或五

巢氏七疝厥痛逆心癰氣乍滿心下寒腹盡痛氣乍滿乍盤

癰疝疝積者引小腹痛大便難

子和七疝寒囊冷便如石陰莖不舉或連水囊腫陰汗出或筋

陰莖腫脹或潰膿或痛而裏急筋縮血小腹兩旁狀如黃瓜血

或莖中痛挺縱不收白物隨溲而下滲睥囊結成癰腫膿少

多氣則氣脹怒哭罷則氣散狐疝出入上下與狐相似也癰

小腸疝小腸之病小腹引睪丸必連腰脊而痛小腸虛則風冷

寒間而入邪氣既入則厥而上冲肝肺控引睪丸上而不下茴

練實吳茱萸陳皮馬蘭花醋炒各一兩芫花醋炒五錢醋糊丸

每服一錢加至二錢酒送又方益智蓬朮各五錢大茴山查

黃牛膝續斷川芎葫蘆巴防風牽牛炒甘草各二錢半
為細末每服三錢水煎空心連滓服白湯調下亦得

膀胱氣小腹腫痛不得小便是也
煎七分服三服盡當下小
便如墨汁續用礪砂丸
五苓散一兩分三服葱白一
莖茴香一錢鹽八分水一鍾

脈候弦急搏皆疝脈視在何部而知其藏
尺部脈滑為寒疝

東垣曰滑脈寸止見者為大熱陽與陽併也尺
部見滑為大寒丙丁不勝壬癸從寒水之化也

常州尹文輝嗜火酒能飲五觔五月間入閩中溪水驟漲涉水
至七里覺腹痛之甚半月後右丸腫大漸如斗形閩中醫者皆

與肝經之劑及溫熱之品半載無功歸而就商于余余曰嗜火
酒則溼熱滿中涉大水則濕寒外束今病在右正是脾肺之溼

下注聖丸以胃苓湯加梔子枳殼黃柏茴香十劑而畧減即以
為聖藥至廿年愈疝瘕容相補氣味之去勝有形其大如臂

以熱手握之瀝瀝有聲甚至上攻于心悶絕者久之以熱醋熨

灸方熨余曰此經所謂厥疝用當歸四逆湯半月積形衰小更

以八味丸間服喜其遵信余言半載無間積塊盡消後不復患

木香散 治肝邪上厥痛悶欲絕

木香 陳皮 良薑 訶子 乾薑

枳實 各一錢半 草豆蔻 黑牽牛 川芎 各二錢

水二鍾煎一鍾空心服

蜘蛛散 仲景以之治狐疝

蜘蛛 十四枚 桂 五分

右為末每服一錢雷公云蜘蛛勿用五色者身上有刺毛者
有蒼黃膿者佳
去頭足微炒研

醫宗必讀 卷八 疝

三

三

三

三

三

三

三

三

三

三

三層尚香丸

治一切痼如神癩疔尤為要藥第一料。

大茴香

并鹽五錢炒和鹽秤

川棟子

去核炒

沙參

木香

各一兩

右為細末水煮米糊為丸桐子大每服三錢空心鹽湯下日三服總完便接第二料。

照前方加

萹撥一兩

檳榔五錢

共前藥六味重五兩半為末糊丸服法如前未愈服第三料。

照前二方加

白茯苓

四兩

附子

製一兩

共前八味重十兩糊丸服法同前但每服三錢雖三十年之久大如栲栳者皆可除根。

荔枝散

治陰丸腫大痛不可忍。

荔枝核十四枚燒灰存性用新者沉香

大茴香

木香

宣胞丸

治外腎腫痛

黑丑

半生半熟

木通

青木香

盤七枚同炒

為末酒糊丸桐子大每服二錢鹽湯下。

地黃膏子丸

治男婦奔豚氣塊小腹控掣而痛上冲心腹

人參

沉香

木香

白朮

玄胡索

血竭

蛤蚧

當歸

廣茂

吳茱萸

續斷

川芎

全蝎

茴香

川棟子

柴胡

沒藥

青皮

肉桂

已上分兩無定數隨證加減用

右為細末地黃膏子丸如桐子大空心温酒下二十九日加一九至三十九。

當歸四逆湯

醫宗必讀

卷八痲

三

當歸尾七分

附子炮

官桂

茴香

柴胡各五分

芍藥四分

玄胡索

川棟子

茯苓各三分
澤瀉二分

水二鍾煎一鍾空心服

川苦棟散

木香

川棟七豆拌
茴香去鹽炒

等分爲末每服二錢空心食前酒調下

木香棟子散 疝氣久不愈者服此神效

石菖蒲一兩 青木香一兩 草薺五錢 荔枝核二十枚

川棟子三十個 巴豆二十枚 同炒黃赤色去巴豆不用

爲細末每服二錢入麝香少許空心炒茴香酒調下

烏頭梔子湯 治內有鬱熱外爲寒束

加明通順炮 滲瀉痢疾內有脈血通順不遺量小良

瞿麥穗

木通去皮

梔子去殼

黃芩

連翹

甘草

枳殼去穢

川棟子去核

歸尾

桃仁去皮尖炒

山查 等分爲末每服三錢燈心車前草煎湯空心調服

五苓散見傷寒

礪砂丸

木香

沉香

巴豆肉各一兩 青皮二兩 銅青五錢

礪砂一錢

二香青皮巴豆慢火炒紫色去巴豆爲末入礪砂銅青同研

勻蒸餅和丸桐子大每服七丸至十九丸鹽湯空心下日二服

羊肉湯 治寒疝腹痛裏急

當歸三兩

生薑五兩 羊肉一斤

醫宗必讀

卷八 疝

七

水八碗煮取三碗温服一碗一日飲盡

淋證即癰證也小便不通謂之閉小便淋瀝謂之癰

內經曰脾受積溼之氣小便黃赤甚則淋此言溼傳膀胱而成也土受溼侵積久

則鬱而為熱脾者主轉輸水穀濕熱輸于膀胱證乃作○風火鬱于上而熱其病淋此言

膀胱而熱歸心經心移熱于膀胱而淋證作矣

但主水水入小腸與胞行于陰為溲便也若飲食不節喜怒不

時虛實不調藏府不和致腎虛而膀胱熱腎虛則小便數膀胱

熱則水下泄數而且澹則淋瀝不宜小腹弦急痛引于臍旁石

淋勞淋血淋氣淋膏淋冷淋六種石淋者有如沙石膀胱蓄熱

而成正如湯瓶久在火中底結白碱也勞淋者因勞倦而成多

屬脾虛血淋者肺主氣氣滯不舒州都脾中氣脈少脈滯與淋

有餘瀝膏淋者滴下肥液極類脂膏冷淋者寒客下焦水道不

快先見寒戰然後成淋更有過服金石入房太甚敗精強閉流

入胞中亦有溼痰日久注滲成淋由是則故淋之故殆有多端

若不求其本未有獲痊者也

石淋清其積熱滌去沙石則水道自利宜神效琥珀散如聖散

獨聖散隨證選用

勞淋有脾勞腎勞之分多思多慮負重遠行應酬紛擾勞于脾

也宜補中益氣湯與五苓散分進專因思慮者歸脾湯若強力入

房或施泄無度勞于腎也宜生地黃丸腎虛而寒者金匱腎

血淋有血瘀血虛血冷血熱之分小腹硬滿莖中作痛欲死血

瘀也一味牛膝煎膏酒服大效但虛人能損胃耳宜四物湯加

桃仁通草

紅花牛血虛者六味丸加側柏葉車前子白芍藥或八珍湯送益元散血色鮮紅心與小腸寔熱脉必數而有方柿蒂側柏黃連黃栢生地黃牡丹皮白芍藥木通澤瀉茯苓血色黑黯面色枯白尺脉澀遲下元虛冷也金匱腎氣丸或用漢椒根四五錢水煎冷服然有內熱過極反兼水化而色黑者未可便以為冷也須以脉證詳辨

氣淋有虛寔之分如氣滯不通臍下妨悶而痛者沉香散石菴散瞿麥湯

氣虛者八珍湯加杜仲牛膝倍茯苓

膏淋似淋非淋小便色如米泔或如鼻涕此精溺俱出精寒道故欲出不快而痛鹿角霜丸大沉香散沉香丸海金沙散鬼絲子丸隨證選用

冷淋多是腎虛肉苁蓉丸澤瀉散金匱腎氣丸

胞痺膀胱者州都之官津液藏焉氣化則能出矣風寒濕邪氣內痛若流以濁氣不能化則成胞痺道直行而長矣

腦下灌鼻則為清涕也腎着湯腎瀝湯巴戟丸

脉候少陰脉數婦人則陰中生瘡男子則氣淋盛大而實者生虛小而澀者死

醫宗

邑宰嚴知非患淋經年痛如刀錐凡清火疎利之劑計三百貼病勢日甚歲暮來就診余曰兩尺數而無力是虛火也從來醫者皆泥痛無補法愈疎通則愈虛愈虛則虛火愈熾遂以八味地黄丸料加車前沉香人參服八劑痛減一二而頻數猶故原醫者進云淋證作痛定是寔火若多溫補恐數日後必將悶絕不可救矣知非疑懼復來商之余曰若不宜溫補則服藥後病勢必增今既減矣復何疑乎朝服補中益氣湯晚服八味丸逾

月而病去其九更倍用參耆十四日而霍然矣

太司寇杜完三夫人淋瀝兩載靡藥不嘗卒無少效余診之見其兩尺沉數為有瘀血停留法當攻下因在高年不敢輕投但于補養氣血之中加琥珀牛膝此等緩劑須以數十劑收功而夫人躁急求功再劑不效輒欲更端遂致痼疾

神效琥珀散 治水道澀痛頻下沙石

琥珀 桂心 去皮 滑石 水飛 大黃 微炒 葵子

膩粉 木通 木香 磁石 煨酒焯 七次研

等分為細末每服二錢燈心葱白煎湯調服

如聖散 治沙石淋

馬蘭花 麥門冬 去心 白茅根 車前子 甜葶藶 炒

檀香 車翹 各等 右為末每服四錢水煎服煎入燒塩少許服

獨聖散 治沙石淋

黃蜀葵 花子俱用 為細末每服一錢食前米飲調服

補中益氣湯 見虛 五苓散 見傷 歸脾湯 方見 金匱腎氣丸 方見 腫脹

生地黄丸 治腎虛勞淋

生地黄 切焙 黃芪 各一兩半 防風 去皮 遠志 去木 茯神 去木

鹿茸 去毛 酥炙 黃芩 去心 枳實 各一兩 杏葦 去毛 當歸 焙各五錢

赤芍藥 戎塩 研 蒲黃 甘草 炙各七錢五分 車前子

滑石 各二兩 人參 一兩二分 錢五分

為末蜜丸梧子大每服二錢食前塩湯下

黃耆湯 治腎虛勞淋

桑白皮 七錢 人參 五分 五味子 白茯苓 旱蓮子

磁石煨醋

滑石各一兩

黃耆二兩

枳殼炒 黃芩各半兩

每服三錢水一鍾煎七分服

六味地黄丸

八珍湯

四物湯俱見

沉香散

治氣淋臍下妨悶小便大痛

沉香

石葦去毛

滑石

當歸

王不留行

瞿麥各半兩

葵子

赤芍藥

白朮各七錢半

甘草炙二錢半

為末每服二錢大麥湯空心調服以利為度

石葦散

石葦去毛

赤芍藥各五錢

白茅根

木通

瞿麥

芒硝

葵子

木香各一兩

滑石二兩

每服四錢水一鍾煎六分服

豐麥糖

黃連

大黃

枳殼

當歸

羌活去蘆

木通

牽牛

延胡索

桔梗

大腹皮

射干各一兩半

桂心去皮五錢

每服四錢水一鍾半生薑七片煎八分服

鹿角霜丸

鹿角霜

白茯苓

秋石各等分

為細末糊丸梧子大每服五錢米飲下

大沉香散

治膏淋臍下妨悶

沉香

陳皮

黃耆各七錢半

瞿麥三兩

榆白皮

葶子炒

滑石各一兩

黃芩

甘草炙各五錢

為末每服二錢食前米飲調服

沉香丸

沉香

肉蓯蓉酒浸切焙荆芥穗

磁石煨醋煨七次

黃芪

滑石各一兩

為末蜜丸梧子大每服三錢酒送下

海金沙散

海金沙

滑石各一兩 甘草二錢五分

研末每服二錢燈心湯調送

兔絲子丸

兔絲子

酒蒸焙搗桑螵蛸各五錢澤瀉二錢五分

為末蜜丸梧子大每服二錢空心米飲下

肉蓯蓉丸

肉蓯蓉

酒蒸焙熟地黄酒煮山藥炒黃

石斛去根牛膝酒浸焙

為末蜜丸梧子大每服二錢鹽酒下

澤瀉散

治冷淋脹滿澀痛

澤瀉

雞蘗

石葦去毛

赤茯苓

蒲黃

當歸

琥珀另研

檳榔各一兩

枳殼炒

桑螵蛸炒各五錢

官桂

為細末每服二錢木通湯調服

腎着湯見腰痛

腎瀝湯見痺

巴戟丸 治胞痺

巴戟

桑螵蛸切破炒

杜仲去皮

生地黄烘

附子炮去皮臍

肉蓯蓉

續斷

山藥各一兩

遠志去木

石斛去根

鹿茸

兔絲子

山茱萸去核

北五味

龍骨

官桂各七分

為末蜜丸梧子大每服三錢空心陳酒送下

小便閉癃

經云肝足厥陰之脉過陰器所生病者閉癃又云督脉者女子入繫廷孔廷正也直也言正中其孔溺孔之端也前陰牛橫骨之下也孔之上際謂之端乃督脉外起之所此雖以女子為言然男子溺孔亦在橫骨下中央但為宗筋所函故不可見耳其男子循莖下至篡與女子等此生病不得前後莖陰莖也下俱閉也此雖督脉所生而實亦衝任之病蓋又云三焦下膈在於足太陽之前少陽之後出于臍中外廉名曰委陽是足太陽絡也三焦者足少陽太陰之所將太陽之別也上踝五寸別入貫腸出于委陽並太陽之正入絡膀胱約下焦實則閉癃虛則遺溺此言三焦下膈之所行與所主之病也將領也三焦下膈即足太陽之別絡故自踝上五寸間別入臍腸以出于委陽穴並太陽之正脉入絡膀胱以約束下焦而其為病如此文云膀胱不利為癃不約為遺

愚按閉與癃二證也新病為瀉閉蓋清熱難通也久病為癃

蓋屢出而短少也閉癃之病內經分肝與督脉三焦與膀胱四

經然太陽膀胱但主藏溺其主出溺者皆肝經及督脉及三焦

也又考膀胱為州都之官津液藏焉氣化則能出矣夫三氣化

者太陰肺經也若使肺燥不能生水則氣化不及州都法當清

金潤肺車前紫菀麥門冬如脾濕不運而精不上升故肺不能

生水法當燥脾健胃蒼朮白朮茯苓半夏之類如腎水燥熱膀胱不利法當

滋腎條熱黃柏知母茯苓澤瀉通草之類夫滋腎瀉膀胱各為正治清金潤燥

名為隔二之治健胃燥脾各為隔三之治又或有水液只滲天

腸小腑因而燥竭宜以淡滲之品茯苓猪苓通草澤瀉之類分利而已或有

氣滯不能通調水道下輸膀胱者順氣為急枳殼木通橘紅之類有實熱

者非與純陰之劑則陽無以化上焦熱者梔子黃芩中焦熱者黃連芍藥下焦熱者黃柏知母

有大虛者非與溫補之劑則水不能行如金匱腎氣丸及如東

垣治一人小便不通日突腹脹皮膚欲裂服淡滲之藥無效東

垣曰疾急矣非精思不能處思至夜半日吾得之矣膀胱為津

液之府必氣化而能出服淡滲而病益甚是氣不化也無陽則

陰無以生無陰則陽無以化淡滲氣薄皆陽藥也孤陽無陰欲

化得乎以滋腎丸羣陰之劑授之即愈丹溪嘗曰吾以吐法通

小便譬如滴水之器上竅閉則下竅無以自通必上竅開而下

竅之水出焉氣虛者補中益氣湯先服後吐血虛者芩歸湯先

服後吐痰多者二陳湯先服後吐氣閉者香附木通探吐更有

瘀血而小便閉者牛膝桃仁為要藥別錄云小便不利者是氣

虛獨參湯如神由是觀之則受病之源自非一途若不從望聞

問切察之明審之孕婦胎滿屢用多致小便閉塞宜升舉其氣

補中益氣湯探吐仲景用八味丸酒服或令穩婆手入產戶托起其

胎溺山如注或令孕婦眠于榻上將榻倒豎起胎即不壓而

溺出勝于手托多矣或各有所因者並依證施治

產後小便不通 陳皮去白為末空心酒調二錢外用鹽填臍

中却以葱白皮十餘根作一縛切作一指厚安臍上用大艾炷

蒲葱餅上以火炙之覺熱氣入腹內即通此唯氣壅者宜之若

者更當審詳也

醫案

郡守王鏡如痰火喘嗽正甚時忽然小便不通自服車前木通

茯苓澤瀉等藥小腹脹悶點滴不通余曰右寸數大是金燥不

能生水之故惟用紫苑五錢麥門冬三錢北五味十粒人參二

錢一劑而小便湧出如泉若淡滲之藥愈多則反致燥急之苦不可不察也。

先兄念山謫官浙江按察鬱怒之餘又當盛夏小便不通氣高而喘以自知醫服胃苓湯四貼不效余曰六脉見結此氣滯也但用枳殼八錢生薑五片急火煎服一劑稍通四劑霍然矣。孝廉命彥直修府志勞神忽然如喪神守小便不通余診之曰寸微而尺鼓是水涸而神傷也用地黃知母各二錢人參丹參各三錢茯苓一錢五分黃栢一錢二劑稍減十劑而安。八正散 治心經邪熱燥渴煩躁小便不通。

瞿麥

篇蓄

車前子

滑石

甘草

山枝仁

木通

大黃

麩裹煨

五苓散

泄瀉

右為末每服二錢水一鍾入燈心煎至七分食後服計服之

木通湯 治小便不通小腹痛甚。

木通

滑石

各五錢

牽牛

取頭末二錢半

右作一服水二鍾燈心十莖葱白一莖煎至一鍾食前服。

通心飲 治心經有熱唇焦面赤小便不通。

木通

連翹

水鍾半燈心十莖煎八分服。

牛膝湯 治血結小便閉莖中痛。

牛膝

五錢

當歸

三錢

黃芩 二錢 水鍾半煎八分日三服

金匱腎氣丸 治腎虛小便不通或過服涼藥而愈甚者每服

三錢淡塩湯送下。

方見腫脹

琥珀散 治老人虛人心氣閉塞小便不通。

用琥珀為末每服一錢人參湯下極效。

醫宗公讀

卷八 小便閉癰

三

利氣散 治老人氣虛小便不通。

黃耆炙 陳皮去白 甘草各一錢 水一鍾煎七分服。

參芪湯 治心虛客熱小便澀數。

赤茯苓一錢五分 生地黄 黃芪 桑螵蛸微炙 地骨皮各一錢

人參 五味子 兔絲子酒浸 甘草炙各五分

水一鍾煎七分入燈心二十一莖二沸服。

清肺散 治渴而小便閉澀。

茯苓二錢 猪苓三錢 澤瀉 瞿麥 琥珀各五分

燈心一分 蕭蓄 木通各七分 通草二分 車前子一錢

水二碗煎至一碗服。

滋腎丸 治陰虛小便閉。

黃藥酒洗 知母酒炒 各一錢 右為末熟水為丸如大實力每服百丸加至二百丸白泔湯送下。

空心服。

滋陰化氣湯 治因服熱藥小便不利臍下痛。

黃連炒 黃蘗炒 甘草各一錢半 水煎食前服未通加知母

滑石散 治男婦轉胞小腹急痛不得小便。

寒水石二兩 葵子一合 滑石 亂髮灰 車前子

木通去皮節 水十碗煎至五碗每服一碗一日服盡即利。

洗方 治胞轉小便閉先用。

良薑五錢 葱頭二十枚 紫蘘二兩

煎湯密室內薰洗小腹外腎肚門留湯再添蘸綿洗以手撫

臍下拭乾。被中仰坐垂脚自舒其氣次用。

蜀葵子二錢 赤茯苓 白芍藥各五錢

小便閉癰

每服三錢煎取清汁調蘓合九三九并研細青塩五分食前温服

又法 炒塩半觔囊盛熨小腹

葱熨法 治小便閉小腸脹不急治殺人用葱白三觔切細炒

熟絹包分兩袋更替熨臍下即通

又法 以自爪甲燒灰水服

塗臍方 治小便不通

大蒜獨顆者一枚 梔子 七枚 鹽花 少許

右搗爛綿紙上貼臍良久即通未通塗陰囊上立通

又法 治小便閉垂死者神效

桃枝 柳枝 木通 川椒 白礬指一兩

葱白 七個 燈心 一握

水一斗... 被圍繞不令外風得入良久便通如赤豆汁若冷即易之效

小便黃赤

經云脉熱病者小便先黃又云胃氣盛則身已黃皆熱消殺善

飢溺色黃又云肺氣虛則肩背痛寒少氣不足以息溺色變又

云冬脉不及令人眇清脊痛小便變上二段言脾胃有實熱下

者皆能令小便黃赤也厥陰之勝眩脇氣并化而為熱小便黃赤此運氣之屬風

也少陰司天熱淫所勝病溺色變又云少陽之勝溺赤善驚又

曰陽明司天燥氣下臨暴熱至陽氣鬱發小便變此皆運氣之屬熱者也

中氣不足溲便為之變此言脾虛也

愚按小便黃赤人皆以下焦有熱清之利之而已矣寧知內經

藏府寒熱之別有如是耶故一切證候莫不有五藏六府之分

虛實寒熱之別苟不謀察其不禍人者幾希矣

火府丹 治心肝有熱小便黃赤。

黃芩 一錢五分

生地黄 三錢 木通 四錢

水二鍾煎一鍾時服。

涼胃湯 脾胃有熱消穀善飢溺色黃赤。

黃連 一錢二分

甘草 四錢

陳皮 二錢

茯苓 四錢

水二杯煎一杯食遠服。

加味補中益氣湯 治脾肺虛小便黃赤。

人參 一錢

白朮 一錢

黃耆 一錢

甘草 三分 當歸 五分

陳皮 六分

升麻 三分

柴胡 一分

茯苓 二錢 車前子 一錢

水二鍾煨薑三片。棗一枚煎八分服。


溫腎湯 治尺脉虛瀉足脛逆冷小便黃赤。

附子 製熟二錢

肉桂 去皮一錢

熟地 二錢

茯苓 一錢 牛膝 五分



水二杯煨薑五片煎一杯空心服。

